



Damonda da baghegiar

Nr. 146/2022

Datum da publicaziun: 16-12-2022

Patrun: La Bikeria GmbH, 7172 Rabius

Representant: huonder bisquolm architects sa, 7180 Mustér

Liug e parcella: Surrein-Giachentrina; 4819

Object: construcziun d'in baghetg da luvratori

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Dils plans sa vegnir priu investa sin canzlia communal d'uront las uras da spurtegl.

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 128/2022

Walter Jacqueline, 7172 Rabius; remplazzar scaldment da pellets dil baghetg nr. 452 sin parcella nr. 107 a Rabius-Cavivens.

Nr. 133/2022

Herger Hans, 7175 Sumvitg; ulivaziun da terren sin parcella nr. 6409 a Sumvitg-Tschentanes.

Nr. 137/2022

Tuor Carlo e Nicole, 7172 Rabius; nova cuvrida per il plaz avon il baghetg nr. 425-A sin parcella nr. 301 a Rabius-Via Gir.

Nr. 140/2022

Duff Elisabeth, 7175 Sumvitg; remplazzar finiastras dil baghetg nr. 49 sin parcella nr. 1575 a Sumvitg-Via Sursilvana.

Nr. 142/2022

Alt Susanne e Stephan, 7175 Sumvitg; remplazzar finiastras dil baghetg nr. 20A sin parcella nr. 1627 a Sumvitg-Via Sursilvana.

Nr. 143/2022

Vischnaunca Sumvitg, 7175 Sumvitg; tschentar preits temporaras per senda da scursalar sin las parcelas nr. 1461, 1508 e 6576 a Surrein-Carauns.

Nr. 144/2022

Herger Hans, 7175 Sumvitg; ulivaziun da terren sin parcella nr. 6410 a Sumvitg-Tschentanes.

Nr. 147/2022

Bearth Rest Andriu, 7175 Sumvitg; spazzar baghetgs nr. 639 e 639A sin parcella nr. 6018 a Sumvitg-Santiarms.

Salids ed auguris per las fiastas da Nadal e Daniev

La suprastonza communal giavischa a Vus, preziadas convischinas e prezias convischins, bialas e legreiblas fiastas da Nadal. Per la scumiada digl onn augurein nus buna sanadad, e tut bien. En num dallas autoritads communalas engraziein nus da cor per tut engaschi en favur da vischnaunca e cuminonza.

Sumvitg, 16-12-2022

Suprastonza communal

Administraziun communal / Comunicaziun

Preavis

L'administraziun communal resta serrada sur las fiastas da Nadal e Daniev sco suonda:

–naven da venderdis, ils 23-12-2022, allas 17.00, entochen mardis, ils 27-12-2022 allas 8.00

–naven da venderdis, ils 30-12-2022 allas 17.00, entochen mardis, ils 3-1-2023 allas 8.00

Nus engraziein per la buna collaboraziun, giavischein benedidas fiastas da Nadal ed in bien niev onn.

Sumvitg, 16-12-2022

Administraziun communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 16-12-2022

Departament traffic

Uras d'avertura deponia Igniu

Deponia da verd

Sonda, ils 3 da december 2022 ei per uonn stau il davos di da menaschi dalla deponia da verd ad Igniu.

Per dar alla populaziun era duront igl unviern la pusseivladad da dismetter pigns quatums da curdems verds ei vegniu construui in access che meina dad ina scala sin ina plattaforma. Naven da leu haveis Vus la pusseivladad da better giuaden ils curdems verds. Igl access ei signalisau. Tenor situaziun da neiv ei igl access mintgamai rumiaus dalla neiv il mardis suentermiezdi e la gievgia suentermiezdi. Igl access ei mo pusseivels a pei. Nus supplichein da dismetter mo uorden che s'auda els curdems verds!

Rimnada da plastic

Il container per la rimnada da plastic sesanfla duront il temps d'unviern sper il baghetg economic da vischnaunca ad Igniu. Mintgamai mesjamna naven dallas 08.00 – 18.00 uras san ils sacs da plastic vegnir dismiss el container.

Ulteriuras informaziuns ein disponibilas sin la pagina d'internet www.sumvitg.ch. Per damondas stat l'administraziun communal bugen a Vossa disposiziun (tel.: 081 920 25 00).

Sumvitg, 16-12-2022

Departament ambient

Uniun da dunnas Rabius

Arrivada dalla glisch dalla pasch

Sonda, ils 17 da december allas 17.00 purtein nus la glisch dalla en baselgia parochiala a Rabius, quei en fuorma dad ina devoziun tgeua. Las portas ein aviartas quella sera entochen las 21.00, ils ulteriurs dis entochen las 19.00. La glisch resta en baselgia tochen suenter Nadal. Nus purschin aschia ad in e scadin la pusseivladad da vegnir per la glisch e guder in mument da silenzi. L'uniun da dunnas Rabius giavischa a tut las famiglias ina biala fiasta da Nadal, ina buna ruschnada e tut bien pigl onn niev. *Denise, Theresita, Renata ed Adelina*

Uniun da dunnas Surrein

Sentupada d'Advent per nos seniors

Cordialmein envidein nus tut ils seniors da Surrein **venderdis, ils 16 da december** ad ina pintga sentupada d'Advent. Nus serimnein allas 14.00 en casa da scola per star da cumpignia, forsa dar in giug ni l'auter e guder in caffè ed in toc petta. *Uniun da dunnas Surrein*

Club da skis Trun

Cuors da cuorsa liunga per carschi Sonda, 7-1-2023, 13.30–16.00 a Trun/Pustget
Mira sut Trun!

Societad da musica Surrein/Rabius

Meet&Try / Sentupar ed empruar

Venderdis ils 30-12-2022 naven dallas 19.00 en casa da scola Surrein. Tier nies Meet&Try veis vus la pusseivladad da s'informar sur dalla musica e tgei sustegn che vus astgeis spitgar sche vus leis emprender in instrument da stuors ni refrestgentar vossa savida musicala. Vinavon veis vus la pusseivladad d'empruar ora ils differents instruments. Ni era semplamein vegnir e star da cumpignia. Tut quei tier in pign Apéro cun bar, in pign concert dalla musica e regurdientschas dils davos onns en fuorma da fotis e videos. La societad da musica Surrein/Rabius selegra da sentupar cun pign e grond